

**ՀՀ Արագածոտնի մարզպետ Դավիթ Գևորգյանի շնորհավորական ուղերձը Մայրենի
լեզվի միջազգային օրվա առթիվ**

21.02.2019

Սիրելի՛ հայրենակիցներ, շնորհավորում եմ Մայրենի լեզվի միջազգային օրվա առթիվ:

1999 թվականին ՅՈՒՆԵՍԿՕ-ն փետրվարի 21-ը հռչակել է Մայրենի լեզվի միջազգային օր,
որը ՀՀ պետական տոնացույցում ընդգրկվել է 2005 թվականին:

Հայ ժողովրդի համար մայրենի լեզուն յուրահատուկ նշանակություն ունի:

Պետականությունը կորցրած և բնաջնջման եզրին կանգնած հայ ժողովուրդը պատմության
ճակատագրական պահին, շնորհիվ հայ հանճարեղ մտքի, արարել է հայոց այբուբենը՝ հիմք
դնելով մայրենի լեզվով գիր ու գրականություն ստեղծելու կարևորագույն առաքելությանը:

**Հայոց լեզուն մեր ազգային արժեքն է, մեր ինքնության պահպանման բարձրագույն
երաշխիքը:**

Սիրենք ու անաղարտ պահենք մեր մայրենին, հպարտորեն կրենք ոսկեղենիկ Հայոց
լեզուն, քայլենք և ապրենք հայերեն: